

ՀԱՇՎԵՏՎՈՒԹՅՈՒՆ

Վայոց ձորի մարզպետարանի աշխատակազմի կրթության, մշակույթի և սպորտի վարչության կողմից 2017թ. կատարած աշխատանքների մասին

Կրթություն

Վայոց ձորի մարզում գործում է 48 հանրակրթական դպրոց, այդ թվում 14 հիմնական և 31 միջնակարգ: 2 ավագ դպրոց և 1 կրթահամալիր գործում են ՀՀ ԿԳ նախարարության ենթակայությամբ: 5 դպրոցներ գտնվում են սահմանամերձ գյուղերում, 5 դպրոցներ՝ բարձր լեռնային բնակավայրերում: Մարզում գործում է տարածաշրջանային պետական քոլեջ և Երևանի պետական տնտեսագիտական համալսարանի Եղեգնաձորի մասնաճյուղը: Մինչև 50 աշակերտ ունեցող դպրոցների թիվը – 17 է: 50-100 աշակերտ ունեցող դպրոցների թիվը – 10 է: 100 և ավելի աշակերտ ունեցող դպրոցների թիվը – 21 է: Հանրակրթությունից դուրս մնացած երեխաներ չկան: Ոստիկանության կողմից հաշվառման վերցված երեխաներ չկան:

Մարզի 48 դպրոցներում 2017-2018 ուստարում սովորում է 6368 աշակերտ, որից 685-ը ավագ դպրոցներում և կրթահամալիրում: Առաջին դասարան են ընդունվել 663 երեխա: Կրթության առանձնահատուկ պայմանների կարիք ունեցող 114 դպրոցահասակ երեխաներ ներառական կրթության ծրագրով դպրոցներում, որտեղ ստեղծված են անհրաժեշտ պայմաններ այդ երեխաների կրթական կարիքներն ապահովելու համար: Գործում են 25 նախակրթարաններ՝ 14-ը դպրոցներում: Դպրոցներում գործող նախակրթարաններում ընդգրկվել է 151 երեխա: Մարզում գործում է 17 մանկապարտեզ 44 խմբով, որոնցում ընդգրկված է 1044 նախադպրոցական տարիքի երեխա: Նրանց հետ աշխատում են 85 դաստիարակներ: Խմբի միջին խտությունը կազմում է 23: Դաստիարակ / երեխա հարաբերակցությունը կազմում է 1:12 Մարզի պրոցներում աշխատում են 1068 ուսուցիչներ, որոնցից 971-ը ունեն բարձրագույն մանկավարժական, կամ բարձրագույն կրթություն (մոտ 90%-ը), մնացած 97-ը՝ միջնակարգ մասնագիտական:

Ուսումնասովորողական անձնակազմի աշխատողների թիվը 485 է: Ուսուցիչ / աշակերտ հարաբերակցությունը կազմում է 1:5,9: Դասարանի միջին խտությունը 12,7 - է: Ուսուցչի միջին ծանրաբեռնվածությունը կազմում է շաբաթական 17 ժամ: Հաջողությամբ իրականացվում է «Կայուն դպրոցական սնունդ» ծրագիրը: Մարզի բոլոր հանրակրթական դպրոցների 1-4 ընդհանուր դասարանների 2401 երեխաներ դպրոցում ստանում են սնունդ:

Սահմանված կարգով կազմակերպվում են դպրոցներում ուսուցչի թափուր տեղի համար անցկացվող մրցույթները: Ուստարվա ընթացքում անցկացվել է ուսուցչի թափուր տեղի համար 26 մրցույթ, իսկ լիազորությունների ժամկետը լրանալու կապակցությամբ առաջացած տնօրենի պաշտոնի թափուր տեղի համար մրցույթները: 6 դպրոցներում ընտրվել են նոր տնօրեններ:

ԴՏՀՏՀ-ի կողմից մարզի 1-ին, 2-րդ և 3-րդ դասարանների 1794 աշակերտների հատկացվել են ուսումնական պլանշետներ: Դրանց օգտագործման նպատակով վերապատրաստվել են 1-ին, 2-րդ և 3-րդ դասարաններում պարապող բոլոր դասվարները:

Մարզի հանրակրթական դպրոցների մեծ մասը՝ մոտ 80%, վերանորոգված են: Բոլոր դպրոցներում լուծված է ջեռուցման խնդիրը: Մարզի բոլոր դպրոցներն ապահովված են համակարգիչներով, գործում է ինտերնետ կապը: Ներդրվել և աշխատում է Dasaran.am ծրագիրը: 2017թ. Հնդկաստանի կառավարության աջակցությամբ մարզի դպրոցներին հատկացվել է 357 համակարգիչ նրանց լրացուցիչ սարքավորումներով: Մարզի 9 դպրոցներում ինֆորմացիոն տեխնոլոգիաների միության կողմից ներդրվել են ռոբոտաշինության լաբորատորիաներ: Մարզի սահմանամերձ 4 գյուղերի բոլոր դպրոցականներին դասագրքերը տրամադրվել են անվճար: Դպրոցներում հաջողությամբ ներդրվել է շախմատ և «Ազգային երգ ու պար» առարկաները: Ամեն տարի փետրվար-մարտ ամիսներին անցկացվում են դպրոցականների առարկայական օլիմպիադայի դպրոցական և մարզային փուլերը: 2016-2017 ուստարում նրանցից 52-ը մասնակցել են հանրապետական փուլին, որոնցից 11-ը արժանացել են դիպլոմների և գովասանագրերի:

Դպրոցներում սահմանված կարգով անցկացվել են 9-րդ և 12-րդ դասարանների ավարտական քննությունները: Անցկացվել է հերթական ատեստավորման համար 149 ուսուցիչների վերապատրաստման դասընթացները:

Անցկացվել են «Տարվա լավագույն տնօրեն», «Տարվա լավագույն ուսուցիչ», «Տարվա լավագույն դաստիարակ», «Լավագույն առարկայական ուսուցիչ» մրցույթները:

ՀՀ կառավարության որոշմամբ մարզի սոցիալապես անապահով, բազմազավակ, զոհված զինծառայողների, աշխարհագորայինների և սակավ ապահովված ընտանիքների 195 դպրոցահասակ երեխաներ հանգստացել են Հանքավանի «Հասմիկ» ճամբարում:

Մարզի դպրոցներում բարձր հիմքերի վրա է ռազմահայրենասիրական դաստիարակության դրվածքը: Բոլոր դպրոցներն ապահովված են ուսումնական զենքով: Կազմակերպվել և անցկացվել է «Կորյուն» ռազմամարզական խաղը և նախագորակոչային ու զորակոչային տարիքի երիտասարդների ռազմամարզական մրցույթը:

2017թ. ՀՀ կառավարության որոշմամբ Եղեգնաձորի և Վայքի քաղաքային պետական հանրակրթական վարժարանները վերակազմակերպվել են միացման ձևով միավորվելով համապատասխանաբար Եղեգնաձորի և Վայքի ավագ դպրոցների հետ:

Կրթական հաստատությունների կառավարման արդյունավետության և կրթության որակի բարձրացման համար Վայոց ձորի մարզպետարանի 2018թ. գործունեության ծրագրում ընդգրկվող միջոցառումներ

1. Փոքրաթիվ աշակերտներ ունեցող դպրոցների աշակերտների ընդգրկում մոտակա բնակավայրի համեմատաբար շատ աշակերտներ ունեցող դպրոցի աշակերտական համակազմում, նրանց կրթությունը կազմակերպելով տեղի դպրոցական շենքում:
2. Դպրոցներում ժամանակակից սմարթ-դասարանների ստեղծում:
3. Հեռավար տեսադասերի անցկացում ապահովելով տեսակապ աշակերտների և դասը վարողների միջև:
4. Ուսումնական ծրագրերով հագեցված գրասալիկներով (պլանշետներով) աշակերտների ապահովում առանց ինտերնետ կապի:
5. Գրասալիկներով աշխատելու համար մեթոդական ուղեցույցի մշակում և տրամադրում ուսուցիչներին:
6. Սահմանամերձ և բարձր լեռնային բնակավայրերի դպրոցները կադրերով ապահովելու նպատակով տեղացի բարձրագույն կրթություն ունեցող մասնագետներին

հնարավորություն տալ վերապատրաստման միջոցով համալրելու մանկավարժների թափուր տեղերը:

ԱՆՑԿԱՑՎԱԾ ՄՇԱԿՈՒԹԱՅԻՆ ՄԻՋՈՑԱՌՈՒՄՆԵՐ

- 1 Հայրենասիրական երգերի և ազգագրական պարերի փառատոն
- 2 Երգչախմբային փառատոն
- 3 Մայրության և գեղեցկության տոնի նշում
- 4 Մեծ եղեռնի 102 ամյակին նվիրված հուշ երեկո և երթ
- 5 Մայիսյան հաղթանակներին նվիրված մասայական միջոցառումներ (Մայիսի – 8, Մայիսի – 9 Մայիսի - 28)
- 6 Մայիսի-28 ին Հանրապետության տոնին նվիրված մասայական միջոցառում
- 7 Վարդավառի տոնին նվիրված մասայական միջոցառում
- 8 Երեխաների պաշտպանության օրվան նվիրված միջոցառում
- 9 Հայաստանի Հանրապետության անկախության տոնին նվիրված միջոցառումներ սեպտեմբերի 21-ին Եղեգնաձոր, Վայք և Ջերմուկ քաղաքներում

ԱՆՑԿԱՑՎԱԾ ՄԱՐԶԱԿԱՆ ՄԻՋՈՑԱՌՈՒՄՆԵՐ

- 1 ՀՀ անկախության տարեդարձին նվիրված դպրոցականների 25-րդ մարզական խաղեր (Մարտ- մայիս)
- 2 Հանրակրթական դպրոցների Ազգային ժողովի գավաթի խաղարկություն: 1-6 դասարանցիներ (Մարտ- մայիս)
- 3 Ձոհված ազամարտիկ Վ. Վարդանյանի հիշատակին նվիրված բոնգքամարտի հուշամրցաշար
- 4 Շախմատի հուշամրցաշար նվիրված Հրանտ Կարապետյանի հիշատակին
- 5 Դպրոցականների <<Մինի Ֆուտբոլի>> հուշամրցաշար նվիրված Լյուդվիգ Հովհաննիսյանի հիշատակին
- 6 ՀՀ Նախագահի մրցանակի համար <<Լավագույն նախադպրոցական հիմնարկ>> մրցույթ (Մայիս- հունիս)
- 7 ՀՀ Նախագահի մրցանակի համար <<Լավագույն մարզական ընտանիք>> մրցույթ (Հունիս- հուլիս)
- 8 Ֆուտբոլի հուշամրցաշար Լյուդվիգ Հովհաննիսյանի հիշատակին նվիրված Հայաստանի Հանրապետության անկախության 25 - ամյակին
- 9 Մարզական փառատոն

